

BOSNA I HERCEGOVINA
FEDERACIJA BOSNE I HERCEGOVINE
FEDERALNI ZAVOD ZA POLJOPRIVREDU
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL INSTITUTE OF AGRICULTURE
SARAJEVO

Broj: 04-45-1177-14/21

Datum: 13.07.2021.godine

Na osnovu člana 60.i 70. Zakona o Organizaciji organa uprave u Federaciji Bosne i Hercegovine („Službene novine Federacije BiH“ broj 35/05), na osnovu člana 64. stav 1. tačka b) (najniža cijena) i člana 70. st.1,3.i 6 Zakona o javnim nabavkama („Službeni glasnik BiH“, broj 39/14), Zapisnika o pregledu i ocjeni ponuda broj: 04-45-1177-12/21 od 12.07.2021.godine i Preporuke komisije broj: 04-45-1177-13/21 od 12.07.2021.godine Direktor Federalnog zavoda za poljoprivredu donosi slijedeću:

ODLUKU
o izboru najpovoljnijeg ponuđača
po konkurentskom zahtjevu za dostavu ponuda

Član 1.

Prihvata se Preporuka Komisije za javne nabavke broj: 04-45-1177-13/21 od 12.07.2021.godine i Ugovor o javnoj nabavci roba: Lož ulje – eksta lako za potrebe Federalnog zavoda za poljoprivredu Sarajevo, dodjeljuje se ponuđaču „HIFA PETROL“ d.o.o. Sarajevo, Hotonj bb. 71320 Vogošća - Sarajevo za ponuđenu cijenu od 23.205,00 KM bez uračunatog PDV-a, kao najbolje ocjenjenom ponuđaču.

Član 2.

Prijedlog Ugovora o javnoj nabavci dostavit će se na potpis izabranom ponuđaču „HIFA PETROL“ d.o.o. Sarajevo, Hotonj bb. 71320 Vogošća - Sarajevo, u roku od 10 (deset) dana od dana kada je ponuđač obavješten o izboru.

Član 3.

Za izvršenje ove odluke zadužuje se Služba za opšte i pravne poslove.

Član 4.

Ova odluka objavit će se na web-stranici www.fzpz.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama Bosne i Hercegovine.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71.stav 2.Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 04-45-1177-1/21 od 15.06.2021.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke (bez uključenog PDV) je 20.000,00 KM.

Obavještenje o nabavci: 583-7-1-19-3-3/21 objavljena je na Portalu javnih nabavki 18.06.2021. godine.

Kriterij za ocjenu ponude je „najniža cijena ponude“

Poziv za preuzimanje tenderske dokumentacije u sistemu „E-nabavke“ i dostavu ponude je prosljeđen slijedećim ponuđačima (istovremeno sa slanjem obavjesti na Portal javnih nabavki i objavom tenderske dokumentacije na Portalu javnih nabavki):

1. „HIFA PETROL“d.o.o. 71000 SARAJEVO, Vogošća, Hotonj bb
2. „GREEN OIL“d.o.o. 71000 SARAJEVO, Marka Marulića 4.
3. „BTG“ d.o.o. 80240 TOMISLAVGRAD, Kolo bb.
4. „HIFA-OIL“d.o.o. 74260 Tešanj, Krndija bb.

Iz izvještaja o preuzimanju tenderske dokumentacije od strane ponuđača, prezetog sa Portala javnih nabavki vidljivo je da su, u periodu koji je ostavljen za dostavljanje ponuda , sa Portala javnih nabavki Tendersku dokumentaciju preuzeli slijedeći potencijalni ponuđači:

1. EKAPIJA DOO
2. ENERGOPETROL D.D. SARAJEVO
3. HOLDINA DOO
4. BBS EUROPE
5. HIFA PETROL D.O.O. SARAJEVO
6. EOL PETROL D.O.O.
7. HIFA-OIL DOO TEŠANJ
8. GREEN OIL D.O.O.
9. ALMY D.O.O. ZENICA

Komisija za predmetnu nabavku je imenovana Rješenjem o osnivanju Stalne komisije za provođenje postupaka javne nabavke roba, vršenja usluga i izvođenja radova za 2021.godinu broj: 04-30-335/21 od 09.02.2021.godine.

Komisija za javnu nabavku je dana 12.07.2021.godine sačinila Zapisnik o pregledu i ocjeni ponuda broj: 04-45-1177-12/21 i Preporuku o izboru najpovoljnijeg ponuđača broj: 04-45-1177-13/21, u postupku javne nabavke roba: Lož ulje – ekstra lako za potrebe Federalnog zavoda za poljoprivredu Sarajevo.

Komisija je dana 05.07.2021.godine u prostorijama Naručitelja (ul.Butmirska cesta 40. Ilidža) s početkom u 12:15 sati izvršila javno otvaranje blagovremeno prispijelih

ponuda, o čemu je sačinjen Zapisnik o otvaranju ponuda broj: 04-45-1177-9/21 od 05.07.2021.godine.

Javnom otvaranju ponuda nisu prisustvovali predstavnici ponuditelja.

Zapisnik o otvaranju ponuda proslijeđen je ponuđačima putem protokola ugovornog organa (e-mail poštom) 05.07.2021.godine.

Komisija je utvrdila da je na upućeni poziv za nadmetanje u otvorenom roku za dostavu ponuda blagovremeno prispjele 2 (dvije) ponude i to:

Redni broj ponude	ID broj ponuđača	Naziv i sjedište ponuđača	Ukupna cijena ponude bez PDV-a	Broj protokola ug.organa
1	4200851420006	„GREEN OIL“ d.o.o. Sarajevo	15.513,00 KM	04-45-1177-7/21
2	4200999090005	„HIFA PETROL“ d.o.o. Sarajevo	23.205,00 KM	04-45-1177-8/21

Nakon prijema ponuda, Komisija za javne nabavke je pristupila analizi prispjelih ponuda u smislu vrednovanja ponuda obzirom na iskazane zahtjeve Ugovornog organa a u skladu sa procedurama i pravilima utvrđenim Zakonom o javnim nabavkama (“Službeni glasnik BiH” broj: 39/14).

Uvidom u priloženu dokumentaciju, tokom preliminarnog pregleda i ocjene svih prispjelih ponuda, Komisija ugovornog organa je utvrdila da je u ponudi ponuđača “GREEN OIL” d.o.o. Sarajevo:

- Ukupna cijena iz ponude broj: 213-07/21 od: 01.07.2021.godine za više od 20% niža od cijene drugorangirane prihvatljive ponude, te je na osnovu navedenog ispunjen uvjet za obavezno traženje objašnjenja iz člana 17. stav (7) tačka b) Upustva za pripremu modela tenderske dokumentacije i ponuda (“Službeni glasnik BiH” broj: 90/14).

U skladu sa članom 66. Stav (1) Zakona i članom 17. Stav (7) Upustva za pripremu modela tenderske dokumentacije i ponuda (“Službeni glasnik BiH” broj: 90/14) Ugovorni organ je pozivao ponuđača „GREEN OIL“ d.o.o. Sarajevo da u roku od 5 (pet) dana, računajući od dana prijema Zahtjeva dostavi objašnjenje dostavljene ponude broj: 213-07/21 od 01.07.2021.godine, s tim da navede dodatne informacije o načinu obračuna navedenih cijena ili njihovu kalkulaciju, na fax broj: +387 33 637 601 ili na adresu ugovornog organa: Federalni zavod za poljoprivredu Sarajevo, Butmirska cesta 40.; 71000 Sarajevo.

Pozvani ponuđač, „GREEN OIL“ d.o.o. Sarajevo, je 12.07.2021.godine dostavio pojašnjenje za ponuđenu cijenu, koje se nalazi u prilogu zapisnika o pregledu i ocjeni ponuda broj: 04-45-1177-12/21 od 12.07.2021.godine.

Detaljnim pregledom i ocjenom ponuda Komisija konstatuje slijedeće:

Odbacuje se ponuda ponuđača „**GREEN OIL**“ d.o.o. Sarajevo, Marka Marulića br.4. 71000 Sarajevo, iz razloga utvrđenih u članu 68. stav (1) Zakona o javnim nabavkama Bosne i Hercegovine („Službeni glasnik BiH”, broj 39/14).

Ponuđač „GREEN OIL“ d.o.o. Sarajevo nije dostavio:

1. Uvjerenje o registraciji skladišta ulja za loženje izdato od strane nadležnog organa ili Ugovor sa pravnim licem koji ima važeću licencu izdatu od strane nadležnog organa o registraciji skladišta ulja za loženje (ovjerena kopija ne starija od 3 mjeseca računajući od dana dostavljanja ponude)
2. Izjavu da će ukoliko bude izabran ponuđač dostaviti licencu za transport naftnih derivata drumskim ili željezničkim saobraćajem, licencu za trgovina na veliko naftnim derivatima izuzev LPG i licencu za skladištenje naftnih derivata izuzev LPG, sve u skladu sa Zakonom o naftnim derivatima FBiH za ponuđače iz ili ekvivalentni dokument za ponuđače iz Republike Srpske i Brčko distrikta BiH i Rješenje da ponuđač ispunjava uslove za uvoz naftnih derivata i obavljanje trgovine na veliko naftnim derivatima izuzev LPG-a.
3. Dokaz o posjedovanju minimalno jedne cisterne za prevoz goriva sa verifikovanim volumetrom (vlastite ili iznajmljne): dokument o vlasištvu ili ugovor o iznajmljivanju (ovjerene kopije ne starije od 3 mjeseca računajući od dana dostavljanja ponude) i certifikat o verifikaciji volumetra.
4. Certifikat o profesionalnoj osposobljenosti za obavljanje poslova savjetnika za bezbjednost prevoza opasnih materija izdat od strane nadležne institucije (ovjerena kopija ne starija od 3 mjeseca računajući od dana dostavljanja ponude).

Ponuda ponuđača „**HIFA PETROL**“ d.o.o. Sarajevo, Hotonj bb. 71320 Sarajevo jedina je prihvatljiva ponuda koja ispunjava sve kvalifikacione, kao i ostale uslove propisane tenderskom dokumentacijom, te su dostavljeni svi dokazi propisani tenderskom dokumentacijom i dopunom tenderske dokumentacije , na propisan način.

Nakon što je konstatovano da je u otvorenom roku pristigla jedna prihvatljiva ponuda, Komisija je u skladu sa članom 3. Pravilnika o uslovima i načinu korištenja E-aukcije („Službeni glasnik BiH”, broj: 09/14), konstatovala da nema uslova za provođenje E-aukcije, te okončala postupak javne nabavke u skladu sa članom 69. Zakona o javnim nabavkama.

Ponuđač „HIFA PETROL“ d.o.o. Sarajevo u svojoj ponudi je naveo cijenu u iznosu od 23.205,00 KM koja je veća od iznosa procjenjenog u tenderskoj dokumentaciji. Komisija u svojoj preporuci za zaključenje ugovora navodi da isto predstavlja neznatno odstupanje od procjenjene cijene te da postoje finansijska sredstva u Budžetu Federacije BiH koja su određena za ovu nabavku, te predlaže Ugovornom organu – Federalnom zavodu za poljoprivredu Sarajevo da zaključi ugovor o nabavci roba: Lož ulje – eksta lako za potrebe Federalnog zavoda za poljoprivredu Sarajevo, obzirom da ista ispunjava uslove tražene u tenderskoj dokumentaciji.

U postupku donošenja ove odluke, posebno su cijenjene činjenice da je Komisija pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

Shodno navedenom, Ugovorni organ prihvatio je prijedlog Komisije i donio Odluku kao u dispozitivu.

Na temelju činjeničnog stanja, odlučeno je kao u članu 1. ove odluke.

POUKA O PRAVNOM LIJEKU

Protiv ove Odluke može se izjaviti žalba u roku od 5 (pet) dana od dana prijema ove Odluke shodno odredbama člana 101. Zakona o javnim nabavkama („Službeni glasnik BiH”, broj 39/14).

Žalba se izjavljuje ugovornom organu u pisanoj formi direktno ili preporučenom poštanskom pošiljkom, a u skladu sa članom 99. Zakona.

Žalba se podnosi u najmanje 3 (tri) primjerka.



Dostavljeno:

- Ponuđaču „HIFA PETROL“ d.o.o. Sarajevo (X1)
- Ponuđaču „GREEN OIL “ d.o.o. Sarajevo (X1)
- Službi za opšte i pravne poslove(x1)
- Predsjedniku Komisije (x1) i
- a/a (x1)